

PRAVILNIK ATLETSKE ŠKOLE





OPĆE ODREDBE

Član 1.

Ovim pravilnikom uređuju se:

- Opće odredbe,
- Članstvo, procedura ućlanjenja, cijene članarina i načini plaćanja
- Organizacija trenažnih jedinica,
- Putovanja na takmičenja, pripreme ili neka druga putovanja,
- Saradnja i odnos sa roditeljima,
- Ostala pitanja od značaja za funkcionisanje Atletske škole.

Član 2.

Atletska škola je organ Atletskog kluba Novi Grad Sarajevo koji se bavi elementarnom atletskom - trenažnom tehnologijom za djecu uzrasta od 5 do 12 godina.

Član 3.

Ciljevi i djelatnosti Atletske škole su:

1. Popularizacija atletike kao baznog sporta kod najmlađih uzrasta;
2. Obogaćivanje djece sa elementarnim atletskim kretnjama;
3. Iskorištavanje motoričkog potencijala u senzitivnim fazama ovog uzrasta;
4. Izgradnja, kod djece, kvalitetne baze po svim antropološkim dimenzionalnostima, sa ciljem da se kasnije na istu može nastaviti kvalitetna nadogradnja specifičnih kretnji kako atletskih specifičnosti tako i specifičnosti nekih drugih sportova;
5. Detekcija talentovane djece za atletiku i njihovo usmjeravanje u pravcu potencijalnih karakteristika
6. Organizovanje atletskih takmičenja, atletskih izleta, priprema ili nekih drugih događaja u cilju socijalizacije djece;
7. Obavljanje drugih poslova i zadataka koji su u funkciji i interesu što kvalitetnije Atletske škole.

ČLANSTVO, PROCEDURA UĆLANJENJA, CIJENE ČLANARINA, NAČINI PLAĆANJA ČLANARINA I PRESTANAK ČLANSTVA

Član 4.

Član Atletske škole može biti svako dijete uzrasta od 5 do 12 godina. Član Atletske škole podliježe svim obavezama i pravima koja su određena Statutom AK Novi Grad Sarajevo.

Član 5.

Dijete koje samostalno ili uz želju roditelja iskaže ambicije da postane član Atletske škole, ima pravo na dva (gratis) adaptivna treninga sa ciljem da se isti upozna sa svim elementima Atletske škole, od kojih su najvažniji da li će se uklopiti u novo sportsko okruženje i da li mu se sviđa ovaj sport.

Član 6.



Dijete koje je prošlo adaptivne treninge i koje je iskazalo želju da bude član Atletske škole pristupa učlanjenju u AK Novi Grad Sarajevo. Prvo učlanjenje je gratis i isto se obavlja na način, da roditelj podnosi online zahtjev za članstvo, donosi tri slike (biometrijske), kopiju rodnog lista i potvrdu od ljekara da se dozvoljava bavljenje sportom. Roditelj je zadužen za obavljanje sistematskog pregleda i on snosi odgovornost ukoliko dođe do neželjenih pojava u slučaju da dijete nema ljekarsko uvjerenje.

U slučaju da se dijete želi učlaniti po drugi ili svaki idući put u Atletsku školu, a koje se isčlanilo iz Atletske škole iz bilo kojeg razloga, nema pravo na gratis adaptivne treninge, te plaća učlanjenje 30 KM i roditelj ponovo podnose online zahtjev za članstvo, u slučaju da u arhivi Kluba nema tri slike (biometrijske) i kopiju rodnog lista, donosi iste.

Član 7.

Online učlanjenje vrši se preko klubske stranice www.atleta.ba. Nakon ulaska na klubsku stranicu, najkraći put da se pristupi popunjavanju zahtjeva za članstvo je da se klikne na opciju "učlani se" koja je boldirana u crveno i koja se nalazi ispod izreke Karl Frederik Luisa na početnoj stranici na prvom slajdu kružnih banera. Ili da se ode preko rubrike "o nama" pa na "članovi" pa "prijava za članstvo". Ima opcija "uputstvo i pravila učlanjenja" ukoliko ima potrebe za dodatnim informacijama o popunjavanju zahtjeva za članstvo.

Član 8.

Cijene članarina za Atletsku školu u regularnim okolnostima:

- 50,00 KM za jedno dijete,
- 70,00 KM za dvoje djece iz iste porodice,
- 90,00 KM za troje ili više djece iz iste porodice.
- 00,00 KM za djecu iz porodice gdje ne radi niti jedan roditelj, ili gdje radi jedan roditelj a da primanja nisu veća od 600,00 KM. Ovo pravo se ostvaruje tek što se svako tri mjeseca donosi potvrda sa biroa, ili platna lista. Ovo se ne odnosi na one roditelje koji konzumiraju cigarete.

Član 9.

Cijene članarina za Atletsku školu u vanrednim okolnostima, u slučaju bolesti jednog djeteta ili više djece:

- Varijanta za jedno dijete:

U slučaju da nije treniralo pola mjeseca	U slučaju da nije treniralo čitav mjesec
25	15



- Varijanta za dvoje djece iz iste porodice

U slučaju da jedno dijete ne trenira pola mjeseca, a jedno trenira čitav mjesec	U slučaju da dvoje djece ne trenira pola mjeseca	U slučaju da jedno dijete ne trenira čitav mjesec, a jedno trenira čitav mjesec	U slučaju da oba djeteta ne treniraju čitav mjesec
60	35	50	20

- Varijanta za troje djece iz iste porodice (u slučaju da neka porodica ima više od troje djece četiri ili još više ta djeca se smatraju da treniraju gratis i u tom slučaju nema popusta ukoliko ista propuste određeni dio treninga):

U slučaju da jedno dijete ne trenira pola mjeseca, a ostalo dvoje trenira čitav mjesec	U slučaju da jedno dijete ne trenira čitav mjesec, a ostalo dvoje trenira čitav mjesec	U slučaju da dvoje djece ne trenira pola mjeseca, a treći trenira čitav mjesec	U slučaju da dvoje djece ne trenira čitav mjesec, a treće dijete trenira čitav mjesec	U slučaju da troje djece ne trenira čitav mjesec
80	70	70	50	25

Član 10.

Cijena članarina za djecu koja se tek upisuju:

Ukoliko dijete dođe u prvoj polovini mjeseca	Ukoliko dijete dođe u drugoj polovini mjeseca
50 KM	25KM
<p><i>Ovdje će treneri imati veliku dozu razumijevanja i neće se voditi striktna određenost u dan, već će uz saradnju roditelja u znak dobrodošlice njihovog djeteta u Atletsku školu, donijeti odluku u korist platiše po kojoj kategoriji treba da uplate članarinu. Pod ovim mislimo ako dijete dođe četiri treninga pred kraj mjeseca onda će se platiti samo članarina za sljedeći mjesec, ili ukoliko dijete dođe u drugoj sedmici tekućeg mjeseca platit će se pola članarine tekućeg mjeseca i slično</i></p>	

Član 11.

Olakšice iz Člana 9. su važeće samo ukoliko dijete nije u kontinuitetu dolazilo na treninge pola mjeseca ili cijeli mjesec, te uz ljeakarsko opravdanje koje se mora donijeti odmah nakon povratka u trenažni sistem nakon odsustva.

Ukoliko dijete periodično propusti trening, iz bilo kojeg razloga, bez obzira koliki to broj propuštenih treninga bio, osim u slučaju da nije u kontinuitetu, smatra se da je to dijete treniralo čitav mjesec.

Član 12.

Članarine se plaćaju do 10. u mjesecu, unaprijed za tekući mjesec. U slučaju da se desi neki od slučajeva iz Člana 9. onda se isti iznos odbija u sljedećem mjesecu.



Član 13.

Ukoliko dijete ili više njih iz iste porodice, a koja su oslobođena plaćanja članarine (Člana 8. tačka 4), bez razloga propuštaju veliki broj treninga gube ovaj status i počinju plaćanje članarine po Članu 8. ili Članu 9. ovog Pravilnika.

Član 14.

Roditelji ukoliko žele "zamrznuti" članstvo djeteta u Atletskoj školi, iz bilo kojeg razloga, to mogu učiniti najavom dva mjeseca prije. Roditelji su dužni uplatom zadnje članarine prije djetetovog odsustva uplatiti unaprijed po 5,00KM za svako dijete i svaki "zamrznuti" mjesec.

Član 15.

Ukoliko se djeca ne pojave na treninzima nakon isteka "zamrznutih" mjeseci ili ukoliko se dijete nepojavi na treninzima 2 mjeseca bez ikakvih najava, ista se djeca ispisuju iz članstva Atletske škole.

Član 16.

Ukoliko roditelji žele da ispišu dijete iz AK Novi Grad Sarajevo, na to ostvaruju pravo tako što podnesu zahtjev za ispisnicom kod trenera u pisanoj formi i uplatom svih obaveza po pitanju članarina ili nekih drugih eventualnih dugova prema Klubu. Ispisnica se nakon ispunjenja svih ovih zahtjeva i obaveza izdaje u roku 3 dana.

Član 17.

Ukoliko roditelj iskažu želju da ponovo upišu njihovo dijete u Atletsku školu, a koje je ispisano po Članu 15. ovog Pravilnika, dužni su prije toga uplatiti dug po Članu 9. i sve obaveze koje su određene Članom 6. ovog Pravilnika.

Ukoliko roditelj iskažu želju da ponovo upišu njihovo dijete u Atletsku školu, a koje je ispisano po Članu 16. ovog Pravilnika, dužni su izvršiti sve obaveze koje su određene Članom 6. ovog Pravilnika.

ORGANIZACIJA TRENAŽNIH JEDINICA

Član 18.

Pod organizacijom trenažnih jedinica podrazumijeva se sve ono što ima dodira sa treningom, brojem trenažnih jedinica, otkazivanja, pomjeranja, dolazaka i odlazaka djece na trening i sa treninga, oprema i svi ostali faktori koji u direktnoj ili indirektnoj formi utiču na kvalitet i sprovođenje treninga.

Član 19.

Treninzi se održavaju tokom čitave godine, u periodu proljeće i ljeto na Atletskoj stazi Centra Safet Zajko, a u periodu jesen/zima u jednoj od sali koja bude najprihvatljivija po svim aspektima.



Član 20.

Treninzi se održavaju tri puta sedmično u trajanju od najmanje 60 minuta. Voditelji ili treneri su dužni na klubskoj stranici i svim ostalim sredstvima oglašavanja informisati roditelje/djecu kojim danima i u kojim terminima se treninzi održavaju.

Član 21.

U periodu državnih praznika treninzi se ne održavaju, te isti se ne nadoknađuju.

Član 22.

U slučaju da se trening otkazuje iz nekih opravdanih razloga, voditelji ili treneri su dužni svim raspoloživim mogućim sredstvima obavijestiti roditelje i djecu o tome. I u najkraćem mogućem roku odrediti nadoknadu istog treninga, o čemu će roditelji i djeca biti također obavještena svim mogućim raspoloživim sredstvima.

Član 23.

U slučaju da se zbog loših vremenskih uslova ili bilo kojih drugih razloga, ne uzimajući praznike u računicu, treninzi ne održe tri puta u toku mjeseca, roditeljima se sljedeći mjesec umanjuje naplata članarina za jednu četvrtinu.

Član 24.

Roditelji su dužni dovesti djecu 15 minuta prije treninga na lokaciju gdje se treninzi održavaju. Treneri su dužni nakasnije 15 minuta prije treninga biti na lokaciji gdje se treninzi održavaju i preuzeti djecu od roditelja.

Roditelji nakon treninga su dužni preuzeti dijete, uz vizualni i zvučni kontakt sa trenerom, te nipošto ne smiju preuzeti dijete a da pri tome nisu ispoštovali ovo pravilo odnosno dali roditeljima znak da preuzimaju dijete.

Član 25.

Djeca dolaze na trening u adekvatnoj opremi pod čim podrazumijevamo pamučni donji veš, šorc, majica kratkih rukava, i u slučaju potrebe, zbog vremenskih uslova, trenerka gornji/donji dio, kapa, rukavice i šušlavac. Tene bi trebale biti sa debljim đonom.

Član 26.

Zbog osposobljavanja djece i cilja da ista postanu što sposobnija i samostalnija roditeljima djece od 8 - 12 se zabranjuje ulazak i boravak u svlačionici, dok se roditeljima djece od 5-8 godina minimizira boravak te im se dozvoljava što kraći uticaj na oblačenje i presvlačenje djece.

Član 27.

Dječacima i djevojčicama je zabranjen pristup na trening dugih noktiju i svih drugih dodataka koji mogu nanijeti povredu sebi ili drugom djetetu. Djevojčicama nalakiranih noktiju i šminkom za uljepšavanje također je zabranjen pristup treningu.

Član 28.



Treninzi u Atletskoj školi se održavaju u najmanje dvije grupe, od 5-8 godina i 8-12 godina. Broj grupa ovisi od broja djece i sposobnosti djece. U skladu redovitosti pohađanja treninga, pripremljenosti i zalaganju na treninzima, treneri će izvršiti selekciju za prelazak u napredniju grupu i takmičenja, uz saglasnost roditelja.

Član 29.

Vrijedne stvari djece ne smiju ostavljati za vrijeme treninga u svlačionicama, jer za eventualni nestanak istih Klub ne snosi odgovornost.

PUTOVANJA NA TAKMIČENJA, PRIPREME ILI NEKA DRUGA PUTOVANJA

Član 30.

Klub je po izlasku kalendara takmičenja, koji objavljuje Atletski savez BiH u periodu novembra, dužan sačiniti plan svih takmičenja, priprema i svih drugih putovanja, te isti prezentovati roditeljima.

Ovaj plan takmičenja, priprema i ostalih putovanja treba da sadrži datume navedenih dešavanja i približnu cijenu, u cilju da roditelji mogu iste planirati.

Član 31.

Djeca na svim takmičenjima moraju nastupati u Klubskoj opremi.

Član 32.

Pod organizovanim događajem van grada smatra se svaki događaj na koji Klub putuje. Na ista se putuje organizovano i bez prisustva roditelja. Roditelji djecu dovoze na mjesto polaska i predaju djecu trenerima odnosno vođi puta, nakon povratka roditelji djecu preuzimaju na mjestu koje je unaprijed određeno. Izričito se zabranjuje da roditelji djecu vode na organizovana putovanja ili da ih u povratku oni vraćaju. Klub u ovim slučajevima snosi potpunu odgovornost za djecu od trenutka preuzimanja do trenutka predaje djece roditeljima.

Član 33.

Pod poluorganizovanim događajem van grada smatra se svaki događaj na koji Klub putuje, ali uz saradnju sa roditeljima. Pod ovim podrazumijevamo odlazak na neki događaj, u koji nije uključen veliki broj djece, te na isti se putuje privatnim autima roditelja, koji su iskazali želju da idu na isti. U ovom slučaju Klub ne naplaćuje ništa osim onih elemenata koje će Klub izvršiti za potrebe djece. Npr. u ovom slučaju bi se samo naplatila kotizacija koju Klub mora platiti organizatoru. Klub u ovim slučajevima snosi odgovornost samo u onim tačkama u kojima je bio uključen.

Član 34.

Pod neorganizovanim događajima van grada smatra se svaki događaj na koji Klub ne putuje i nema nikakvog uticaja na taj događaj osim administrativne podrške, a za sve ostalo su roditelji preuzeli odgovornost. Pod ovim se podrazumijeva kad roditelj želi da mu dijete nastupi na nekom takmičenju, a Klub u tome odluči da ne učestvuje, roditelj preuzimaju svu organizaciju u ovom slučaju, a od Kluba imaju administrativnu podršku. Npr. klub će izvršiti prijavu atletičara i pripremiti svu dokumentaciju, a roditelj će organizovati prevoz i sve druge



potrebe kako bi njegovo dijete uspjelo otići na navedeno takmičenje. Klub u ovom slučaju ne snosi nikavu odgovornost, osim u izvršenim administrativnim obavezama.

Član 35.

U slučaju da Klub ili neka druga organizacija organizuje događaj u Kantonu Sarajevu, roditelji su dužni dovesti dijete na navedenu lokaciju te izvršiti sve ostale navedene zahtjeve s kojima su roditelji blagovremeno obaviješteni. Klub u ovim slučajevima snosi odgovornost samo u onom periodu otkad je trener ili neki drugi organ Kluba preuzeo dijete do trenutka kada je dijete opet predato roditelju.

Član 36.

Roditelj koji je prijavio dijete da ide na bilo koji događaj, mora izvršiti uplatu u predviđenom roku. U slučaju da dijete odustane od istog, vraća se samo novac od onih elemenata koji nemaju uticaj na opće troškove. Npr. vraća se novac od planirane užine, jer se isti neće kupiti ili potrošiti, ali se neće vratiti novac od prevoza jer je njegova prijava uticala na odabir prevoza i formiranje cijene troškova.

SARADNJA I ODNOS SA RODITELJIMA

Član 37.

Roditelji u ime djeteta zaključuju sve pravne poslove, radi zaštite prava i interesa djeteta. Obavezu zastupanja, isto kao i ostale dužnosti, roditelji vrše zajedno i ravnopravno, onda kada u ime i za račun djeteta istupa samo jedan roditelj, postoji prešutna saglasnost drugog roditelja za to zastupanje, osim ako on ne prigovori.

Član 38.

Roditelji niti u jednom slučaju nemaju pravo da se upliću u trenažni sistem, i da nameću svoje mišljenje po bilo kojem pitanju u vezi trenažnog sistema.

Član 39.

Roditeljima ili pratnji nije dozvoljen boravak u dvorani, na atletskoj stazi ili na nekom drugom trenažnom prostoru za vrijeme treninga.

Član 40.

U slučaju da se prema djetetu učinio neki vid prekršaja, roditelj je dužan u pisanoj formi dostaviti žalbu Upravnom odboru Kluba u vezi nastale neželjene situacije. Upravni odbor je dužan u roku 7 dana odgovoriti na žalbu.

Član 41.

Dijete roditelja, koji je na bilo koji način pomogao rad Kluba ili sponzoriseo bilo koji sektor Kluba, ne smije da se razlikuje od ostale djece niti da ima bilo koji drugi tretman osim onog koji imaju sva ostala djeca.

Član 42.

Roditeljeva je dužnost da upozna trenera sa eventualnim problemima djeteta koje ima izvan trenažnog sistema, kao što je problem sa učenjem, problem u društvu, problem sa porocima



problem sa bilo kojom drugom maloljetničkom delikventnošću ili bilo koji drugi problem koji utiče na odgoj djeteta i njegovu angažovanost u treningu.

Član 43.

Opravdanje za školu izdavat će se isključivo na zahtjev roditelja te uz saglasnost trenera, ako za to postoji valjani razlog.

Član 44.

Rukovodstvo Kluba dužno je najmanje dva puta godišnje organizovati roditeljski sastanak s ciljem da se roditelji upoznaju sa radom Atletske škole i svim drugim bitnim segmentima u vezi njihove djece.

Član 45.

Roditelji koji imaju viziju kako da unaprijede rad Atletske škole ili bilo kojeg drugog segmenta, svoje prijedloge mogu iznijeti usmenim putem organima upravljanja Klubom ili putem maila . U slučaju da taj prijedlog zahtijeva mišljenje većeg broja roditelja onda je rukovodstvo Kluba dužno zakazati vanredni roditeljski sastanak na kojem se razmatra taj prijedlog.

Član 46.

Roditelji su dužni redovno pratiti sve sisteme obavještavanja s ciljem da budu blagovremeno obavješteni u vezi iznesenih informacija od strane Kluba. Obavještenja će biti upućivana putem klubske stranice www.atleta.ba, preko facebook page-a [AK Novi Grad Sarajevo – Atleti](#), putem maila i newslettera. Molimo Vas da likeom, prihvatanjem newslettera ili čestim checkiranjem maila dozvolite sebi blagovremeno obavještavanje.

Član 47.

Ovaj pravilnik stupa na snagu od 01.11.2016. godine.

Sarajevo, 20.10.2016.

PREDSJEDNIK KLUBA

Elmir Ćerimagić